

Sindiket palsukan dokumen tumpas

11 warga asing ditahan dalam dua serbuan di Kuala Lumpur

Oleh MUHAMMAD AFHAM RAMLI

KUALA LUMPUR

Dua sindiket pemalsuan dokumen yang didalangi warga Bangladesh tumpas dengan penahanan 11 individu termasuk dua kanak-kanak dalam serbuan berasingan di ibu negara Khamis lalu.

Ketua Pengarah Imigresen, Datuk Khairul Dzaimée Daud berkata, serbuan pertama di sebuah rumah di Danau Desa di sini berjaya menahan lapan individu termasuk dua warga Bangladesh disyaki dalang sindiket.

"Turut ditahan dua wanita



Antara barang yang dirampas susulan tumpasnya dua sindiket pemalsuan dokumen yang didalangi warga Bangladesh di Kuala Lumpur pada Khamis lalu. Gambar kecil: Khairul Dzaimée.

Bangladesh, dua wanita Indonesia dan seorang kanak-kanak perempuan warga Bangladesh serta seorang kanak-kanak lelaki warga Indonesia.

"Pemeriksaan menemui sebanyak 177 pasport warganegara asing, salinan transaksi bayar-

an, wang tunai berjumlah RM4,000, dua komputer, dua mesin pencetak dan sebuah kenderaan pelbagai guna (MPV) Perodua Alza milik seorang suspek. Turut ditemui dalam serbuan adalah beberapa salinan slip permohonan Rehiring MYEG,"

katanya dalam satu kenyataan di sini semalam.

Beliau berkata, modus operandi sindiket adalah menawarkan pelekat Pas Lawatan Kerja Sementara (PLKS) kepada pelanggan warga Bangladesh yang bekerja di tapak pembinaan di

sekitar ibu kota dengan bayaran sekitar RM6,500 hingga RM8,000 untuk setiap permohonan pertama manakala untuk pembaharuan pula dikenakan caj sebanyak RM2,500.

Semakan juga mendapati suspek bertindak sebagai ejen pekerja asing walaupun tidak berdaftar dengan kementerian.

Beliau berkata, sindiket kedua pula tumpas dalam satu serbuan di sebuah apartmen di ibu negara kira-kira jam 2 pagi.

"Tiga lelaki Bangladesh diberkas selepas didapati menjalankan aktiviti mencetak PLKS dan Pas Khas kepada warganegara asing terutama dari Bangladesh.

"Turut ditemui sebanyak 58 pasport Bangladesh yang disimpan dan disorok dalam periuk nasi dan beras. Selain itu, pasukan operasi menjumpai sebanyak enam keping pelekat visa Jabatan Imigresen dengan lima daripadanya telah bercetak," kata nya.